

VIII . . . . .	1,26
IX . . . . .	1,15
X . . . . .	1,06"

II.

Tačka V. mijenja se i glasi:

"V.

Obračun plaća namještenika vrši se po osnovici koja iznosi 60% od prosječne neto plaće zaposlenih u Federaciji Bosne i Hercegovine prema posljednjem objavljenom podatku Federalnog zavoda za statistiku za prethodni kvartal, koju je utvrdila Vlada Federacije Bosne i Hercegovine, Zaključkom broj 69/2008 od 6. 02. 2008. godine".

III.

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 1. januara 2009. godine.

Broj 02-05-2094-4/09

5. februara 2009. godine  
Sarajevo

Premijer

**Besim Mehmedić, s. r.**

**Ministarstvo unutrašnjih poslova**

Na osnovu člana 17. stav (2) tačka 3. Zakona o unutrašnjim poslovima Kantona Sarajevo ("Službene novine Kantona Sarajevo", broj 22/00 - Prečišćeni tekst, 15/02, 18/02 i 28/02), a u vezi sa članovima 20. i 21. Zakona o nabavljanju, držanju i nošenju oružja i municije ("Službene novine Kantona Sarajevo", broj 38/07), ministar unutrašnjih poslova Kantona Sarajevo donosi

**PRAVILNIK**

**O ZDRAVSTVENIM PREGLEDIMA ZA  
UTVRĐIVANJE ZDRAVSTVENE SPOSOBNOSTI ZA  
NABAVLJANJE, DRŽANJE I NOŠENJE ORUŽJA I  
MUNICIJE**

Član 1.  
(Pojam)

Ovim Pravilnikom propisuju se kriteriji za ocjenjivanje tjelesne i duševne sposobnosti, odnosno zdravstvene sposobnosti za nabavljanje, držanje i nošenje oružja i municije, način i postupak obavljanja zdravstvenih pregleda, popis bolesti i zdravstvenih stanja koja osobu čine nesposobnom za nabavljanje, držanje i nošenje oružja i municije, način vođenja evidencije i medicinske dokumentacije, sadržaj uvjerenja o izvršenom zdravstvenom pregledu i nadležnost drugostepene zdravstvene komisije (u daljnjem tekstu: drugostepena komisija).

Član 2.

(Ovlaštena organizacija)

Zdravstvenu sposobnost utvrđuje zdravstvena organizacija koja je ovlaštena za obavljanje takvih zdravstvenih pregleda sa područja Kantona Sarajevo (u daljnjem tekstu: ovlaštena organizacija).

Član 3.

(Prvostepena zdravstvena komisija i njen sastav)

- (1) U ovlaštenoj organizaciji preglede za utvrđivanje zdravstvene sposobnosti za nabavljanje, držanje i nošenje oružja i municije obavlja prvostepena zdravstvena komisija (u daljnjem tekstu: prvostepena komisija).
- (2) Prvostepena komisija sastoji se od četiri člana, koju imenuje direktor ovlaštene organizacije, i to:
  - a) specijaliste medicine rada ili liječnika-specijaliste opće prakse;
  - b) specijaliste za očne bolesti;
  - c) specijaliste neuropsihijatra;
  - d) psihologa.

Član 4.

(Rad prvostepene komisije)

- (1) Uvjerenje o zdravstvenoj sposobnosti za nabavljanje, držanje i nošenje oružja i municije izdaje ovlaštena organizacija na osnovu pregleda prvostepene komisije.
- (2) U postupku ocjene zdravstvene sposobnosti prvostepena komisija može konsultovati i druge doktore medicine određene specijalnosti.
- (3) Ovlaštena organizacija ovlaštena je da traži i pribavlja odgovarajuću medicinsku dokumentaciju koja se odnosi na zdravstveno stanje podnosioca zahtjeva, a koja može biti relevantna u postupku utvrđivanja zdravstvene sposobnosti.

Član 5.

(Sadržaj zdravstvenog pregleda)

Zdravstveni pregled za utvrđivanje zdravstvene sposobnosti za nabavljanje, držanje i nošenje oružja i municije obuhvata:

- a) u općem dijelu: obiteljsku anamnezu, osobnu anamnezu, kompletan status, mjerenje visine, težine i krvnog tlaka, orijentacijsko ispitivanje sluha i ravnoteže;
- b) u specijalističkom pregledu očiju: ispitivanje vidnih funkcija na orthoreteru ili sličnom aparatu i optotipima, ispitivanje prozirnih sredina oka, pregled očne pozadine i ispitivanje boja pseudoiso-kromatskim tablicama;
- c) u neurološkom pregledu: anamnezu i fizikalni pregled glave, vrata, kranijalnih živaca, ekstremiteta, motorike, refleksa, senzibiliteta, govora, pisanja i kralježnice;
- d) u psihijatrijskom pregledu: vanjski aspekt, kontakt, svijest, orijentaciju, psihomotoriku, mišljenje, afektivitet, pažnju, volju, intelekt, mnestičke funkcije, znanje i informiranost, nagonske reakcije, socijalne motivacije i adaptaciju;
- e) u psihologijskom pregledu: ispitivanje kognitivnih sposobnosti testovima mentalne efikasnosti, crta ličnosti testovima ličnosti i intervju.

Član 6.

(Vrste zdravstvenih smetnji)

Osobom sposobnom za nabavljanje, držanje i nošenje oružja i municije smatra se osoba koja ne boluje od oboljenja, mana ili ozljeda koje su navedene u listi koja je u prilogu ovog Pravilnika i čini njegov sastavni dio (prilog broj 1).

Član 7.

(Obaveza obavještanja nadležnog organa)

Ovlaštena organizacija je obavezna prilikom prikupljanja anamnestičkih podataka građana zatražiti podatak o posjedovanju oružja, te je u slučaju utvrđivanja dijagnoza propisanih ovim pravilnikom, odnosno o zdravstvenoj nesposobnosti za nabavljanje, držanje i nošenje oružja i municije dužna o tome obavijestiti nadležnu policijsku upravu prema mjestu prebivališta građanina i Upravu policije Ministarstva unutrašnjih poslova Kantona Sarajevo (prilog broj 2).

Član 8.

(Evidencije)

- (1) Ovlaštena organizacija je obavezna voditi posebnu evidenciju i čuvati medicinsku dokumentaciju svih osoba pregledanih radi izdavanja uvjerenja o zdravstvenoj sposobnosti za nabavljanje, držanje i nošenje oružja i municije.
- (2) Posebnu evidenciju iz stava (1) ovog člana čine:
  - a) zdravstveni karton osobe koja je bila podvrgnuta zdravstvenom pregledu i izvještaj o promjeni zdravstvenog stanja osobe kojoj je odobreno nabavljanje, držanje i nošenje oružja i municije (prilog broj 2);
  - b) uvjerenje o izvršenom zdravstvenom pregledu.
- (3) Obrasci evidencije iz st. (1) i (2) ovog člana čine sastavni dio ovog Pravilnika.
- (4) Medicinska dokumentacija u vezi izdavanja zdravstvenog uvjerenja (zahtjev za izdavanje zdravstvenog uvjerenja,

liječnički nalazi, nalazi psihologa, laboratorijski, rendgenski i drugi nalazi i dokumenti) čuva se u ovlaštenoj organizaciji pod brojem evidencije izdanih zdravstvenih uvjerenja.

- (5) Raspoloživu dokumentaciju iz ovog člana ovlaštena organizacija je obavezna dostaviti drugostepenoj komisiji na njeno traženje.

Član 9.  
(Rezultati ocjene)

- (1) Ocjena zdravstvene sposobnosti prvostepene komisije može glasiti:
- sposoban
  - nesposoban
- (2) Na ocjenu prvostepene komisije može se izjaviti žalba drugostepenoj komisiji koju imenuje kantonalni ministar zdravstva u roku od 48 sati.
- (3) Drugostepena komisija sastoji se od četiri člana.
- (4) Ocjena drugostepene komisije je konačna.
- (5) U drugostepenoj komisiji ne mogu biti članovi, osobe koje su donosile prvostepenu ocjenu.

Član 10.  
(Troškovi zdravstvenih pregleda)

- (1) Naknadu zdravstvenog pregleda plaćaju građani koji su podnijeli zahtjev za nabavljanje, držanje i nošenje oružja i municije.
- (2) Visinu naknade zdravstvenih pregleda za nabavljanje, držanje i nošenje oružja i municije odredit će direktor ovlaštene organizacije posebnim rješenjem.

Član 11.  
(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-126/09  
3. februara 2009. godine  
Sarajevo

Ministar  
**Željko Mijatović, s. r.**

**PRILOG BROJ 1.**

**Psihijatrija i psihologija**

- Poremećaji pažnje
- Alkoholizam i narkomanija
- Duševna zaostalost
- Poremećaji ličnosti
- Endogene ili funkcionalne psihoze (manifestne ili u remisiji)
- Hronični moždani sindrom
- Neuroze sa jače izraženim smetnjama
- Paranoidna stanja
- Pokušaj suicida
- Reaktivna stanja (učestala)
- Sklonost stanjima panike
- Patološka reakcija na stres

**Neurologija**

- Centralni (spastični), piramidni, ekstrapiramidni i cerebralni, periferni (mlohavi), kao i diseminirani sindrom bez obzira na etiologiju.
- Cerebralna i spinalna vaskularna obolenja sa neurološkim ispadom.
- Posttraumatska encefalopatija i mijelopatija
- Epilepsija (verificirana), katepsija i narkolepsija.
- Heredodegenerativna obolenja nervnog i mišićnog sistema
- Luetična obolenja CNS-a

- Tumori perifernog i centralnog nervnog sistema
- Upalni intrakranijalni procesi sa posljedicama

**Oftalmologija - stanja i bolesti organa vida**

- bolesti ili mane organa vida koje funkciju vida poremećuju toliko da mogu ugroziti sigurno rukovanje oružjem (amblyopia jednog oka se prihvata kod nosioca ličnog naoružanja, dok se amblyopia i anophthalmus ne prihvataju za nosioce lovačkog naoružanja)
- Za lično naoružanje - pištolj, oštrina vida, korigirana ili nekorigirana, ne smije biti manja u zbroju na oba oka od 0,8, a bolje oko mora imati vizus 0,5. U takvom slučaju vidno polje mora biti potpuno normalno; dok kod lovačkog naoružanja vizus slabijeg oka ne smije biti manji od 0,8 a boljeg oka 1,0 - sa ili bez korekcije
- oštećenje vidnog polja prema slijedećim kriterijima: dopušta se temporalno suženje od 20", a da se pritom eliminiira uticaj monokularnih skotoma.

**ORL - stanja i bolesti organa ravnoteže i sluha**

- Bolesti vestibularnog aparata s poremećajima ravnoteže.

**Stanja i bolesti srca, KVS i hematopoetskog sistema**

- Teški slučajevi bolesti koronarnih krvnih žila sa učestalim napadima angine pectoris
- Stanje nakon infarkta miokarda, bez angioznih smetnji ili znakova poremećaja ritma do 6 mjeseci
- Bolesti srca koje mogu dovesti do promjene ritma i sinkopalnog stanja
- Urođene i stečene srčane mane sa znacima dekompenzacije
- Urođene i stečene bolesti velikih krvnih žila sa znacima dekompenzacije
- Kompletni srčani blok, osim ugrađenog elektronskog stimulatora (pace-maker)
- Hronično plućno srce sa znacima dekompenzacije
- Stanje nakon perikarditisa sa znacima konstrikcije
- Hipertenzivna bolest s dijastolnim tlakom višim od 120 mm Hg i sa znacima oštećenja krvnih žila oka, mozga, srca ili bubrega
- Maligne hemopatije i retikuloze, osim ako liječnik specijalist hematolog izričito ne naglas da je osoba sposobna za sigurno rukovanje oružjem.

**Stanja i bolesti respiratornog sistema**

- Bolesti koje izazivaju tešku respiratornu, kardiorepiratornu ili srčanu insuficijenciju (hronični bronhitis s teškim emfizemom, teži hronični opstruktivni sindrom)

**Bolesti gastrointestinalnog i urinarnog sistema**

- Teške bolesti jetre ili bubrega zbog kojih mogu nastati kolike, odnosno komatozna stanja.

**Bolesti endokrino sistema**

- Diabetes mellitus kompliciran očnim, nervnim ili kardiovaskularnim poremećajima i nekompeziranom acidozom;
- Hipertireoidoze težeg oblika sa okulobulbatornim sindromom ili komplikacijama kardiovaskularnog sistema;
- Teški oblici hipertireoidoze praćeni bradipsihijom
- Hiper i hipoadenokortizam (teški oblici).

## Prilog br. 2

( naziv ovlaštene organizacije i sjedište )

## KARTON PREGLEDA NOSIOCA VATRENOG ORUŽJA

Molimo Vas da pažljivo pročitate, ispunite čitko karton i zaokružite tačne odgovore

PREZIME I IME:		
Datum rođenja:		Ime oca:
Adresa:		Telefon:
Školska sprema / zanimanje:		
Spol: M / Ž	Visina (cm)	Težina (kg):
VRSTA ORUŽJA	Lično (pištolj)	Lovačko
Da li posjedujete oružje?	DA	NE

Lična anamneza - Da li ste bolovali, liječeni ili bolujete od:

Šećerne bolesti DA – NE      Povišenog krvnog tlaka DA – NE  
 Tuberkuloze DA – NE  
 Duševnih i nervnih obolenja DA - NE  
 (padavica, psihoze, liječeni alkoholičar, narkomanija, itd)  
 Liječeni od drugih zaraznih ili hroničnih obolenja DA – NE, ako DA, kojih:

Da li ste ranjavani? DA – NE, ako DA – invalid? DA – NE / invaliditet (%):

**Izjavljujem da sam psihički i fizički spreman/na da pristupim pregledu.**

Gore navedene podatke dao/dala sam po svom najboljem znanju i sjećanju, te za iste snosim punu odgovornost

Potpis kandidata \_\_\_\_\_

**ZAKLJUČAK** (ispunjava i potpisuje doktor): SPOSOBAN / NA - NESPOSOBAN / NA

Datum pregleda i br. protokola: \_\_\_\_\_

N A P O M E N A (za doktore). Sve bitnije nalaze upisati na poledini ovog kartona!